

Delegat Mehmed Bradarić postavio je pitanja Vijeću ministara BiH i Ministarstvu sigurnosti BiH, koja glase:

1. U izvještaju budžeta institucija Bosne i Hercegovine i međunarodnih obaveza za 2010. godinu (materijal Predsjedništva BiH) navedeno je da se preko 30 miliona KM na godišnjem nivou plaća za zakup smještaja institucija BiH.

Tražim od Vijeća ministara BiH da mi odgovori koje su to institucije, moraju li biti izvan zgrade Parlamenta i zgrade Vijeća ministara ako u njima ima neiskorištenog prostora, da li se iznajmljivanje prostora vrši neposrednom pogodbom ili javnim pozivom, je li nužno da većina njih bude u centru grada?

2. (pitanje upućeno Vijeću ministara BiH i Ministarstvu sigurnosti BiH)

Prije nekoliko dana u organizaciji Centra za sigurnosne studije održan je seminar o temi: "Zakonska legislativa o oružju u Bosni i Hercegovini". Tom prilikom mogle su se čuti uznemirujuće informacije vezane za povećan broj maloljetnih prijestupnika u korištenju ilegalnog oružja. Imajući u vidu sveobuhvatnost i multidisciplinarni pristup problematici oružja i eksplozivnih sredstava, nužno je ostvariti saradnju i koordinaciju od državnog preko entitetskog do lokalnog nivoa. To je moguće postići uključivanjem svih subjekata u realizaciji i harmonizaciji Zakona o oružju, koji BiH još nema. Usvajanjem ovog zakona osiguralo bi se približavanje zakonodavstvu EU, te bi se ojačale mjere za suzbijanje nelegalne trgovine oružjem. Odbijanjem spomenutog zakona BiH će teže ispuniti obaveze kada su u pitanju zakonska usklađivanja sa zakonodavstvom EU: Pitam Vijeće ministara kada će se nacrt zakona o oružju naći u parlamentarnoj proceduri ?